



**JAVNA USTANOVA  
ZAVOD ZA ZDRAVSTVENU ZAŠTITU  
ŽENA I MATERINSTVA  
KANTONA SARAJEVO**

**ЈАВНА УСТАНОВА  
ЗАВОД ЗА ЗДРАВСТВЕНУ ЗАШТИТУ  
ЖЕНА И МАТЕРИНСТВА  
КАНТОНА САРАЈЕВО**

Broj: 10 – 1047 -01/19  
Sarajevo, 07.06. 2019. godine

Na osnovu člana 14. stav (1), člana 18. stav (1), člana 21. stav (1) tačka c), člana 28. Zakona o javnim nabavkama Bosne i Hercegovine („Sl. glasnik BiH“, broj 39/14), člana 30. i 39. Statuta JU Zavod za zdravstvenu zaštitu žena i materinstva Kantona Sarajevo, Planom nabavki Zavoda za 2019. godinu (I. Izmjene i dopune ) broj: 10- 1045/1-01/19 od 06.06.2019. godine, te člana 6. stav (9) i člana 17. Pravilnika o javnim nabavkama roba, usluga i radova Zavoda, donosim:

### **ODLUKU**

**o pokretanju postupka nabavke usluga  
premještanje mamografskog sistema putem pregovaračkog postupka bez objave obavještenja**

#### **Član 1.**

Odobrava se pokretanje postupka javne nabavke usluga premještanja mamografskog sistema-deinstaliranje, transport, instaliranje, puštanje u rad digitalnog mamografa-mamomata „INSPIRATION“, te obuka tri radnika, koji će raditi na mamomatu iz Javne ustanove Opća bolnica „Prim.dr. Abdulah Nakaš“ u Sarajevu u Javnu ustanovu Zavod za zdravstvenu zaštitu žena i materinstva Kantona Sarajevo.

Procijenjena vrijednost javne nabavke (bez PDV-a) iznosi 16.000,00 KM (slovima: šesnesthiljadaKM).

Za provođenje javne nabavke osigurana su sredstva iz Budžeta Kantona Sarajevo za 2019. godinu . Javna nabavka će se provesti putem pregovaračkog postupka bez objave obavještenja.

Postupak javne nabavke provest će se u skladu sa Zakonom o javnim nabavkama, podzakonskim i internim aktima.

Evidencijski broj javne nabavke: PP 10-01/19.

JRJN: 51410000-9 Usluge instaliranja medicinske opreme.

#### **Član 2.**

Tenderski dokument sačinjit će Komisija koja je imenovana Odlukom broj: 10-531-01/19 od 18.03.2019. godine u roku od tri dana, računajući od donošenja ove odluke.

#### **Član 3.**

Kriterij za dodjelu ugovora je najniža cijena.

Plaćanje usluga iz člana 1. ove odluke vršit će se u roku od 30 dana od dana izvršene usluge i dostavljene uredne fakture.

#### **Član 4.**

Otvaranje i ocjenu ponuda provest će Komisija za javne nabavke iz člana 2. ove Odluke.

#### **Član 5.**

Ova odluka stupa na snagu danom donošenja.



## Obrazloženje

Dana 19.02.2019. godine zaključen je Ugovor o ustupanju na korištenje mamografskog sistema digitalnog mamografa-mamomata „Inspiration“ od strane JU Opće bolnice „Prim.dr.Abdulah Nakaš“ Sarajevo, JU Zavod za zdravstvenu zaštitu žena i materinstva Kantona Sarajevo, u cilju što bolje iskorištenosti medicinske opreme i pružanja kvalitetnije zdravstvene usluge pacijentima sa područja Kantona Sarajevo, obzirom da je postojeći analogni mamomat star više od 15 godina i ima poteškoća u radu, te da se za isti više ne proizvode rezervni dijelovi.

JU Zavod za zdravstvenu zaštitu žena i materinstva Kantona Sarajevo se obratio Ministarstvu zdravstva Kantona Sarajevo u vezi obezbjeđenja potrebnih finansijskih sredstava za prebacivanje mamografskog sistema iz JU Opće bolnice „Prim.dr.Abdulah Nakaš“ Sarajevo u JU Zavod za zdravstvenu zaštitu žena i materinstva Kantona Sarajevo.

Ministarstvo zdravstva Kantona Sarajevo je pokrenulo proceduru iznalaženja finansijskih sredstava potrebnih za premještanje digitalnog mamografskog aparata (deinstaliranje, transport, instaliranje, puštanje u rad i obuka). Vlade Kantona Sarajevo donijela je Zaključak o preraspodjeli sredstava u Budžetu Kantona Sarajevo za 2019. godinu broj: 02-05-22216-21/19 od 30.05.2019. godine i time obezbijedila finansijska sredstva za premještanje digitalnog mamografskog aparata.

Navedena nabavka planirana je Planom nabavki Zavoda za 2019. godinu (Izmjene i dopune I.) broj: 10- 1045/1-01/19 od 06.06.2019. godine – Usluge pod stavkom 1.

Obzirom da se radi o mamografskom sistemu, digitalnom mamografu-mamomatu „INSPIRATION“, marke SIEMENS, velike vrijednosti, pa je prije donošenja ove Odluke izvršeno ispitivanje tržišta, te se ustanovilo da je jedini ovlašten i ekskluzivni zastupnik firma Siemens medicina d.o.o. za Bosnu i Hercegovinu, koja može pružiti traženu uslugu i dati dodatni garancijski rok. Navedeni mamografski sistem, vlasniku istog JU Opća bolnica „Prim.dr.Abdulah Nakaš“, isporučila je i instalirala navedena firma.

Direktor je u skladu sa svojim ovlaštenjima pokrenuo postupak javne nabavke usluga, u skladu sa članom 21. stav (1) tačka c), i članom 28. stav (1) i (8) Zakona o javnim nabavkama, u pregovaračkom postupku bez objave obavještenja, te člana 30. i 39. Statuta JU Zavod za zdravstvenu zaštitu žena i materinstva Kantona Sarajevo, člana 6. stav (9) i člana 17. Pravilnika o javnim nabavkama roba, usluga i radova Zavoda.

Pri donošenju Odluke, direktor Zavoda se posebno rukovodio činjenicom da je predložena nabavka neophodna, da se nabavka vrši od jedinog ovlaštenog distributera i zastupnika za mamografski sistem za koji se vrši predmetna nabavka na teritoriji BiH, da je realno procijenjena njena vrijednost na tržištu, da su osigurana sredstva za isplatu i predložena odgovarajuća vrsta postupka.

Na osnovu prednjeg, odlučeno je kao u dispozitivu ove odluke.

**DIREKTOR**

**Prim.mr.sc.dr. Mithat Kurtović**

Dostaviti:

- Komisiji za javne nabavke
- EFS i APS
- EFP
- Stručni saradnik za IS (na objavu portal JN i portal JN Vlade KS)
- a/a